



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de  
Romæ, MDCCXVIII**

Casus X. Argumentum. Episcopo habenti ex Privilegio usum Crucis, an  
liceat occasione Jubilei, aut expositionis Venerabilis ingredi Ecclesiam  
Patronalem translatam una cum Universitate bonorum ad ...

---

[urn:nbn:de:hbz:466:1-72203](#)

Pontificalis, sed est actus merè jurisdictionis competens Episcopo in Ecclesiis Regularium ratione Curæ Animarum, juxta Concil. Trident. sess. 25. de Regular. cap. 11., & dixi superius Casu antecedentis, omnino independens ab Insignibus Pontificalibus, nec exigens ad sui perfectionem, ut Episcopus utatur hujusmodi Insignibus, minusque connumeratur inter actus Pontificales, dum isti sunt solum Missa solemnis, Ordinum celebratio, frontis Chrismatio, consecratio Basilicarum, & Virginum, & omnes illi actus, qui sine Insignibus Pontificalibus expleri non possunt. Barbos. de offic. & potest. Episc. par. 2. alleg. 6. num. 3. Lezzan. in Summ. verb. Baldachinum num. 4. tom. 2.

6 Ac proinde Episcopus in actu visitationis Ecclesia Regularium, quoad Curam Animarum exigere non valeat, ut in ea erigatur sibi baldachinum ad explendum hujusmodi actum visitationis, cum erectio baldachini sit permissa Episcopis in Ecclesiis Regularium, solum quando ibi peraguntur functiones Pontificales, juxta præfatum decretum Clementis VIII. ibi -- *Eo tamen duntaxat tempore quo Pontificales ejusmodi functiones exercebunt, vel dum actus ipse, cui in Pontificalibus aderunt, peragetur.* Ergo in aliis casibus, & quoad alios actus non Pontificales erectio baldachini erit eis in dictis Ecclesiis prohibita. Dicitio enim duntaxat excludit omnes alios casus præter expressos, ad Text. in l. 3. §. cùm Titio ff. de adim. legat. Paris. conf. 47. num. 18. lib. 4. Mascard. de probat. conclus. 1393. num. 37. Tusch. lit. D. conclus. 388. num. 2. Barbos. dictio. 97. n. 4. Et ita in terminis visitationis resolutum fuit à Sacra Congregatione Concilii in una Mediolanen. lib. 2. decret. fol. 174. ubi in responsione ad quartum dubium, ubi quærebatur -- *An Episcopo Monasteriorum clausuram visitare volenti, dictæ Moniales teneantur erigere in Ecclesia exteriori, vel interiori sedem cum baldachino, vel solummodo sufficiat illi stratum preparare in utraque Ecclesia* -- dixit -- sufficere præparationem strati -- relat. per Matthæuc. Offic. Cur. Eccles. cap. 11. num. 11. pag. mibi 79.

7 Verum in hoc casu censeo quidem respondendum negativè, non ob rationem superius insinuatam videlicet, quia Ecclesia hæc Patronalis est dependens à

Monasterio, dum dependentia, quam habet hæc Ecclesia à Monasterio non est respectu jurisdictionis per Abbatem in ea exercenda, cùm vigore præfatae translationis ejusdem Ecclesiarum ad Monasterium, ista effecta non fuerit exempta à jurisdictione Ordinarii, & subjecta jurisdictioni Abbatis, sed respectu præsentationis, eo quia præsentare Rectorem ad ipsam vacantem spectat ad Abbatem; sed ratio, quare Episcopus non possit exigere, ut sibi erigatur in dicta Ecclesia baldachinum à Rectore occasione visitationis mihi videtur esse, quia erectio baldachini non est necessaria ad expendum actum visitationis, cùm hæc ex supradictis non sit functio Pontificalis, sed solum actus jurisdictionalis.

### ARGUMENTUM.

Episcopo habenti ex privilegio usum Crucis, an liceat occasione Jubilei, aut expositionis Venerabilis ingredi Ecclesiam Patronalem translatam unà cum universitate bonorum ad Monasterium cum Cruce erecta?

### S U M M A R I U M.

- 1 Accessus Episcopi ad Ecclesiam Regularium tripliciter considerari potest, & quænam sit differentia inter unum, & alterum accessum? Vide ibi.
- 2 Translata Ecclesia Patronali unà cum universitate bonorum ad Exemptos, potest Episcopus habens ex privilegio jus deferendi Crucem, illam ingredi Crucem erectam etiam in accessu voluntario.
- 3 Et etiam si Ecclesia Patronalis sic translatâ presupponatur exempta, & num. 8. Amplia ut num. 9.
- 4 Insignium species est duplex.
- 5 Delatio Crucis in Archiepiscopo an sit signum jurisdictionis?
- 6 Crucis delatio in Episcopo habente ex privilegio jus deferendi Crucem non est signum jurisdictionis.
- 7 Usus Mitrae, & Baculi concessus alicui Dignitati in Cathedrali, seu Collegiata, non est in ipsa signum jurisdictionis.
- 10 Reservatur resolutio Sacrae Congregationis Concilii in Lucana juris deferendi Crucem.

C A-

## C A S U S X.

**C**onecessus fuit à Sede Apostolica Episcopo Diocesis B. ejusque successoribus in perpetuum usus Crucis per totum Episcopatum, occasione autem Jubilei, aut expositionis Venerabilis in Ecclesia Patronali B. fundata in quodam feudo, quod titulo emptionis, aut donationis translatum fuit unà cum Jurepatronatus ei annexo ad quoddam Monasterium Regularium, in quo sicuti etiam in Ecclesiis ab eo dependentibus vigore privilegii Apostolici, nec Ordinarius, nec Legatus ullam præminentiam, nec superioritatem, & jurisdictionem quomodolibet exercere potest, accessit ad dictam Ecclesiam Episcopus, eam ingrediendo cum Cruce erecta, Abbatे, ac Regularibus præfati Monasterii contradicentibus. Hinc oritur dubium, An Episcopus possit in hoc casu ingredi dictam Ecclesiam Patronalem, erecta Cruce.

I. Quod negativè resolvendum videtur. Distinguendum est enim inter accessum Episcopi necessarium ad Ecclesiam Regularium, voluntarium, & mixtum. Quamvis enim quando agitur de accessu necessario ad Ecclesiam Regularium, ut est ille, qui accidit occasione visitationis in conceruentibus Curam Animarum, aut Processionis publicæ, aut Pontificalium possit Episcopus, Cruce erecta, ingredi Ecclesiam Regularium, ea ratione, quia in casibus prædictis, visitationis, publicarum Processionum, & Pontificalium derogata remansit exemptione Regularium, & restituta in ipsos Episcopalis jurisdictione per Concilium Tridentinum cap. 11. & cap. 13. seff. 25. de Regul., & per decretum Sac. Congregationis Episcoporum, & Regularium à Clemente VIII. approbatum apud Novar. in Summ. Bullar. par. 1. comment. 19. & apud Fagnan. in cap. Tua nos de autl. & usu pallii num. 19., & dixi superius Cas. VIII. n. 17. & Cas. IX. Sicuti etiam eadem Cruce erecta ingredi possit Episcopus dictam Ecclesiam, quando agitur de ejus accessu mixto, nimírum quando accedit ad Ecclesiam Regularium invitatus ab eis ob aliquam functionem ibi peragendam, tamen quando agitur de accessu merè voluntario ex causa devotionis, ut est iste de quo agitur, occasione

Jubilei, aut expositionis Venerabilis, Episcopus accedere non valet ad Ecclesiam Regularium Cruce erecta, quia cùm delatio Crucis sit signum jurisdictionis, nequit Episcopus illam erigere in Ecclesia Regularium, nisi habeat speciale privilegium, juxta Gloss. in Clement. Archiepiscopo de privil. in figuraione casus, ibique Abb. n. 2. Zabarell. n. 5.

2. His tamen non obstantibus veritas est in contrarium. Quoniam Ecclesia hæc Patronalis translata ad præfatum Monasterium Regularium cum universitate honorum, cui erat annexa titulo hujus emptionis, aut donationis subjecta non fuit effecta Abbatī, & Regularibus ejusdem Monasterii quoad jurisdictionem, sed solùm quoad præsentationem Rectoris, nec vigore hujusmodi translationis evasit Regularis, & exempta, sed remansit, & est Sæcularis, & subjecta jurisdictioni Episcopi; Sicuti igitur Episcopus antea translationem cum universitate honorum poterat illam Ecclesiam ingredi Cruce erecta. Ita etiam post translationem eadem Cruce erecta illam ingredi valebit etiam in accessu voluntario, cùm iuxta secundam conclusionem superius in Commentario deductam, translatu Jurepatronatus, aut Ecclesia Patronali cum universitate honorum ad exemptos non minatur in ipsa jus Episcopale.

3. Verum etiam si supponatur, & admittatur, quod hæc Ecclesia Patronalis effecta fuerit exempta, & Regularis, adhuc censco posse Episcopum habentem privilegium deferendi Crucem illam ingredi Cruce erecta non solùm in accessu ad eam necessario, aut mixto, sed etiam in accessu voluntario causa scilicet devotionis, juxta Clement. Archiepiscopo de Privileg., quæ licet loquatur de Archiepiscopo, habet etiam locum in Episcopo, cui, ex privilegio competit delatio Crucis per suum Episcopatum, ut docet Novar. in Summ. Bullar. par. 1. Comment. 19. n. 13. ibi -- Et quamvis dicta Clementina loquatur de Archiepiscopo, tamen illa fuit contingens facti, & per eum non excluditur Episcopus -- Pax. Jordan. lucubrat. lib. 11. tit. 2. num. 90. Barbos de offic. , & potest. Episcopi par. 1. tit. 4. n. 39. , & in sum. verb. Archiepiscopi auctoritas sub n. 28. verific. Amplia.

4. Ratio est, quia duplex est species Insignium

signum, altera, quæ denotat Dignitatem insigniti, & altera, quæ denotat superioritatem, & præsidentiam in loco, ut distinguit Abbas in cap. 1. ut lite pendente num. 7. ibi -- Ideo concludo sic, quod quædem sunt insignia denotantia Superioritatem in loco, quædam sunt, quæ denotant Dignitatem insigniti -- Quidquid sit an de latio Crucis in Archiepiscopo sit signum jurisdictionis, & superioritatis, dum multi Doctores hoc affirmant uti sunt *Glossa* in cap. *Antiqua* in verb. nisi urbe de privileg. *Zabarelli*. in Clem. 2. de privil. n. 5. Abb. in d. cap. 1. ut lite pendente n. 7. ibique *Butri* n. 7. *Pignattell*. consult. 73. n. 1. to 8., & consult. 76. n. 20. in fin. to 9. *Ventrigli* in prax. de jurisdictione Archiepisc. cap. 18. n. 6. alii vero negant, ut sunt *Vitalini* in dicta *Clement.* 2. de privileg. *Quarant.* in Sum. Bullar. verb. Archiepiscopi auctoritas nu. 23. vers. vigesima octava auctoritas *Gratian*. discept. 467. num. 3. Franc. decis. 711. num. 11. Rot. decis. 72. num. 3., & 4. post *Tamburin*. de jure Abbat. Certum mihi videtur esset, quod in Episcopo, cui non jure proprio sed solùm ex privilegio competit jus deferendi Crucem per Dicecsum, delatio Crucis non sit signum jurisdictionis, nec superioritatis, cùm in ipso non adsit jurisdictione, nec superioritas Archiepiscopalis, sed sit signum merè honorificum sterile, à Summo Pontifice concessum Episcopo ad honorificantiam, & gloriam suæ Ecclesiæ, ad terminos *Textus* in cap. ut *Apostolicae* de privileg. in 6. ibi -- concessit in Ecclesiarum suarum gloriam, & honorem -- Sicuti usus *Mitræ*, *Baculi* &c. licet in Episcopo sit signum jurisdictionis, & superioritatis, tamen concessus alicui Dignitati in Cathedralibus, aut Collegiatis non est signum jurisdictionis, & superioritatis Episcopalis, dum talis dignitas non habet hujusmodi jurisdictionem Episcopalem, sed est signum merè honorificum absque mixtura jurisdictionis, *Joan. Andr.* in dicto cap. ut *Apostolicae* num. 2. Abb. in cap. 1. sub num. 10. ut lite pendente *Tamburin*. de jur. Abbat. tom. I. disp. 19. num. 2. & seqq. Card. de *Luc.* de præmin. disc. 14. num. 4. Ac proinde poterit Episcopus non solùm in actu visitationis, aut exercitii Pontificalium, verum etiam occasione Jubilei, aut alicuius publicæ festivitatis, & causa devotionis etiam non invitatus in-

*Pars II.*

gredi præfatam Ecclesiam Patronalem, Cruce erecta, etiam si hæc supponatur exempta, cùm delatio Crucis in Episcopo sit insigne merè honorificum, & exerceri possit sive præjudicio exemptionis, ut expressè docet *Fagnan*. in cap. quia nos de auctorit., & usu Palii num. 17. ibi -- In locis exemptis non posse Episcopum exercere potestatem, & judicium, sed benè posse uti insigniis honoris, & devotionis -- Adden. ad *Gratian*. decis. March. 113. num. 19. ibi -- Sunt insignia Dignitatis &c. & eorum actus est sive præjudicio exemptionis -- *Ventrigli*. in prax. de jurisdictione Archiepiscop. annot. 49. §. univ. num. 25. *Gratian*. discept. 467. n. 1. & seqq. Et resolutum fuit à S. Congregatione Concilii in Papien. juris deferendi Crucem 22. Septembri 1708. Et quoad actum merè voluntarium visitandi Episcopum degentem in Conventu PP. Dominicanorum cum Cruce erecta, ac in terminis fortioribus Archiepiscopi, in quo usus Crucis potest esse signum jurisdictionis, & Superioritatis resolvit Sac. Congregatio Episcoporum, & Regulam in *Ragusina Delationis Crucis*, & Censurarum 26. Martii 1711. ibi -- Sac. Congregatio Episcop., & Regul. censuit licuisse, & licere Archiepiscopo ingredi Conventum cum Cruce erecta --

9 Quod procederet etiam si Ecclesia hæc Patronalis supponeretur ex privilegio exempta non solùm à jurisdictione, & superioritate, sed etiam à præminentia Episcopi, quia cùm præminentia dupliciter sumi possit, nimurum in linea Dignitatis, & honorificantie, & in linea jurisdictionis, & superioritatis contentiose juxta Rot. decis. 281. num. 4. & seqq. par. 15. rec. intelligeretur exempta à præminentia in linea jurisdictionis, & superioritatis non vero à præminentia in linea simplicis dignitatis, & honorificantie, quæ nunquam dicitur sublata per quamcumque amplam exemptionem, iuxta *Fælin*. in cap. cùm non liceat num. 2. de præscript. *Tamburin*. de jur. Abbat. tom. I. disp. 15. quæst. 7. num. 45. *Monacell*. formul. 6. n. 20. tom. 3. tit. 3. Card. de *Luc.* de præm. disc. 21. num. 8. Rot. decis. 111. num. 16., & seq. par. 5. rec. & decis. 1731. num. 13. coram *Coccin*.

10 E ita studens apud R.P.D. meum Ansiedum sentiebam in *Lucana* juris deferendi Crucem

K k

Crucem

*Crucem contra Pitonium Scribentem in hac Causa pro Canoniciis Lateranensis Monasterii S. Frigidiani Lucæ, qui prætendebant non competere Episcopo Lucano jus deferendi Crucem erectam in eorum Ecclesia, nisi occasione S. Visitationis, publicarum Processionum, aliorumque actuum, in quibus ex consuetudine, vel privilegio concessum est Episcopis Pontificalia exercere in Ecclesiis Regularium; Et ita etiam resolutum fuit à Sacra Congregatione Concilii 8. Augus. 1716. ubi proposito dubio -- An liceat Episcopo Lucano ingredi erecta Cruce Ecclesiam S. Frigidiani Canonorum Lateranensium in casu &c. -- responsum fuit -- Affirmative.*

## ARGUMENTUM.

Episcopus an possit exigere Cathedraticum, Subsidium charitativum, Portionem Canonicam, & occasione visitationis Procurationem ab Ecclesia Patronali, translato hujus Jurepatronatus cum universitate bonorum ad Exemptos?

## SUMMARIUM.

- 1 *Monasteria Regularium sunt exempta à Cathedratico, & aliis iuribus Episcopibus.*
- 2 *Cathedraticum an sit sublatum per Concilium Tridentinum? Vide ibi, & n. 19.*
- 3 *Subsidium Charitativum non debetur ex Beneficiis pleno jure unitis Monasterio exempto, & num. 20.*
- 4 *Jura, & emolumenta Episcopalia ad quem finem sint à jure introducta? Vide ibi.*
- 5 *Ecclesia Patronalis translata unà cum universitate bonorum ad exemptos debet solvere Episcopo Cathedraticum in ea quantitate à jure statuta, vel solvi solita, & num. 18.*
- 6 *Debet solvere Subsidium Charitativum. Limita ut num. 7. Intellige ut num. 8.*
- 7 *Debet solvere Quartam, seu portionem Canonicam, tum Decimaram, tum Mortuariorum, & si adsit consuetudo solvendi pro Quarta certam quantitatatem pecuniarum, hæc est servanda. Intellige ut num. 10.*
- 8 *Tenetur solvere Procurationem Episcopo eam visitanti. Intellige ut num. 14.*

*etiam non obstante ejus particulari consuetudine in contrarium, & n. 15.*

- 9 *Non tenetur solvere vecturas, vel ferraturas equorum. Limita ut ibi.*
- 10 *Immo eamdem Procurationem solvere tenetur Vicario Capitulari sede vacante, sed in qua quantitate? Vide ibi.*
- 11 *Quænam consuetudo non solvendi Procurationem præservetur à Concilio Tridentino. Vide ibi.*
- 12 *Episcopus cogere potest per censuras Rectorem Ecclesiae Patronalis translata unà cum universitate bonorum ad exemptos renuentem ei solvere jura Episcopalia.*

## C A S U S X I.

**R**Etento eodem facti themate superius exposito, nimirum translationis Jurispatronatus, seu Ecclesiae Patronalis unà cum universitate bonorum titulo hujus donationis, aut emptionis ad Monasterium A. ab utraque Lege Episcopali exemptum. Quero an Episcopus intrà cuius Dioecesum sita sit dicta Ecclesia Patronalis, possit ab hujus Rectore exigere Cathedraticum, Subsidium Charitativum, & Portionem Canonicam, & occasione visitationis ejusdem Ecclesiae Procurationem?

Quæstio hæc procedit respectu illarum Dioecesum, in quibus jus commune induxitum exactiois hujusmodi emolumentorum favore Episcoporum est in usu; cum plures adsint Dioeceses, in quibus Episcopi ex inveterata consuetudine non exigunt nec Cathedraticum, nec Subsidium charitativum, nec quartam, seu portionem Canonicam, nec Procurationem occasione visitationis, quæ consuetudo legitimè præscripta venit ab Episcopis observanda, & eidem questioni taliter procedenti respondendum videtur negativè. Quoniam hæc Ecclesia Patronalis utpote spectans, & translata ad Monasterium A. unà cum universitate bonorum, cui erat annexa, videtur exempta à solutione Cathedratici, Subsidii charitativi, Canonicæ portionis, & Procurationis, sicuti est ab his exemptum idemmet Monasterium, cum accessorium sequatur semper naturam principalis, ad Text. in cap. inter cætera 10. q. 3. Barbos. ad Concil. sess. 24. cap. 3. num. 23. & de of-

fic.